



Mikivusuk Thomassen  
Inuit Ataqatigiit sinnerlugit Inatsisartunut ilaasortaq

### § 37 naapertorlugu apeqqut nr. 026-2020-mut akissut

Asasara Mikivusuk Thomassen

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquteqarputit. Apeqqutigisatit uannit akineqartussatut innersuunneqarput.

#### 1. Naalakkersuisut qanoq pilersaaruteqarpat nunap immikkoortuini napparsimaveqarfinni tamani ernisussiornermut suliaqarsinnaasut naammattut pigilernissaanut?

##### Akissut:

Naartusut ilaquuttaminnut najukkaminnullu qanitaminni ernerusuttarnerat miserratisassaangilaq. Isumaginissaanni suliatigut pitsaassuseq pitsaanngippallu kingunerluutaasinnaasut tamatumani oqimaaqatigiissaarneqassapput.

Anaanaasup meeqqallu sulisunit pitsaanerpaamik sullinneqarnissaat qulakkeerniarlugu sumiiffinni erniffiusartuni minnerpaamik nakorsamik pilaalluni ernisitsisinnaasumik, peqqissaasumik sinitsisartumik, bioanalytikerimik kiisalu ernisussiorumik atorfeqartoqarnissaa piumasaqaatavoq. Tamatumani qulakkeerniarneqarluni erninnermut atatillugu, soorlu aanaarnerit, pilatsinnikkut ernisut aammalu meeqqap inunngorlaap ajornartoornerani tassangaannartumik pisunik assigiinngitsunik peqqissutsikkut sulisut isumaginnissinnaanissaat. Ajornartoornerit ajornepaaffiani anaanaasup meeqqallu toquneranik kinguneqarsinnaasut. Taamaattumik "naammattunik sulisussaqaarnermik" oqarnermi sulisoqatigiit taaneqartut tamarmik ilaatinneqarput, taamaalillutillu amerlallutillu nukissanik annertuumik atuiffiullutik. Ernissussiortoq misilittagaqarluartoq suliaminik annertuumik ilisimasaqarlunilu annertuumik iliuseqarsinnaavoq – taamaattorli aanaartoqarnerani ajornartorsuutit, pilatsilluni erninerit aammalu meeqqap inunngorlaap ajoqutai iliuseqarfigisinnaanagit.

Peqqissaaveqarfinni siusinnerusukkut ernisarfiit sulisoqarnikkut piumasaqaatinik taakkuninnga naammassinnissinnaanngimmata ernisarfiittut matuneqarput. Matumani kissaatigineqartoq tassaavoq napparsimasunut isumannaallisaanissap naammaginatsumik qaffasissuseqarnissaata, taamaalillunilu anaanaasup meeqqallu isumannaatsumik passunneqarnissaasa qulakkeerneqarnissaa. Qujanartumik erninerit amerlanerpaat aanaarnermik, pilatsilluni erninissamik meeqqallu inunngorlaap ajoquteqarneranik iliuseqarnissamat pisariaqartitsiviunngillat. Taamaattorli qaqugukkut pisariaqartitsisoqalersinnaanersoq siumoortumik takuniarneqarsinnaanngilaq – tamannalu erninerup nalaani erneriisartoqarneraniluunniit tassangaannartumik pisinnaavoq. Kalaallit Nunaanni Peqqinnissaqarfiup 2003-mi sumiiffinni erniffiusartuni

02-03-2020  
Sags nr. 2020 - 2832  
Akt nr. 13088464

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

sulisutigut minnerpaamik piumasaqaatinut najoqqutassiat siuliani taaneqartut atuutsilermatigilli naalungiarsuit toqusartut siusinnerusukkut amerlanerat annikillisinneqarpoq.

Peqqinnissaqarfik sulisut pisariaqartut sulisorilernissaat sulissutiguaannarpaat. Ullumikkut nunap qitiusumik napparsimaveqarfiit tamarmik erniffiusarput Qitiusoqarfik Disko minillugu, tassani sulisut pisariaqartut sulilertinnissaannut periarfissaasimanngimmat.

**A. Sulisoqarniarnikkut ajornartorsiuteqartoqarpat aaqqiissutissat suut Peqqinnissaqarfiup Aqutsisunit naalackersuisunut innersuussutigineqarsimappat?**

**Akissut:**

Aap, peqqinnissaqarfiup sulisussarsiortarnerani unammilligassaqarmat ajornartorsiut ilisimaneqarluarpoq. Pingaartumik aalajangersimasumik sulisussarsiortarneq, pingaartumillu peqqissaasutut immikkut ilinniarsimasunik sulisussarsiorniarneq ajornartorsiutaapput.

Pingaartumik Nuup avataani peqqissaasunik immikkut ilinniagalinnik sulisussarsiniarneq ajornakusoorpoq, immikkut suliassamik suliassamut suliassat annikitsuinnaanerat pissutigalugu. Assersuutigalugu Nuup avataani peqqissaasooq sinitsitsisartoq nalasuni peqqissaasutut nalinginnaasutut aamma sulisussaavoq. Unammilligassaq tamanna aamma nakorsanut atuuppoq. Nuup avataani nakorsat pingaarnertut nakorsatut suliassat nalinginnaasut sularisarpaat, taamaalillunilu nakorsanik pilattaasartunik sulisussarsiniarneq ajornartorsiutaavoq.

“Sulisussanik amigaateqarnerup ajornartorsiutaanera” eqqarsaatigalugu peqqinnissaqarfik Sulisussarsiniarnermi aalaakkasunillu sulisoqarnissamut iliuusissatut siunniussat aallaavigalugit sulivoq, taanna ilanngussatut ilanngunneqarpoq.

**B. Nunap immikkoortuini peqqinnissaqarfinni tamani ernisinnaanngortoqassappat aningaasat qanoq annertutigisut pisariaqartinneqassappat?**

**Akissut:**

Apeqqummi naatsorsuutigineqarpoq qitiusumik napparsimaviit pineqartut. Sumiiffimmi erniffiusussami oqaatigineqareersutut ernisunik passussinissami minnerpaamik nakorsamik, peqqissaasumik sinitsitsisartumik, bioanalytikerimik kiisalu ernisussiorumik atorfeqartitsisoqassaaq. Sulisunut taakkununga akissarsiaritissat, inissaq, ullormusiassat angalasarnissallu pisariaqartinneqassapput.

Sulisorineqartut ernisussiornermi upalungaarsimasutuinnaq atuutissasutut naatsorsuutigineqassappata sumiiffimmi erniffiusussami ukiumut 6-7 mio. kr.-inik toqqaannartumik aningaasartuuteqarfiussasoq nalilernerpoq (nakorsamut, peqqissaasumut sinitsitsisartumut bioanalytikerimullu taartaasussarsiortarfiit aqqtigalugit pissarsiarineqartumut akissarsiaritissaq kiisalu ineqarnermut

angalanernullu aningaasartuutit). Taamaattorli sulisut ernisussiornermi upalungaarsimasuni ilaasut sumiiffimmi suliassanik allanik isumaginnittussatut naatsorsuutigineqarnerat pissutigalugu missingikkat taakku allaanerusinnaapput. Allannik suliaqartussaannngitsunik peqqissaanermi sulisussanik aalajangersimasumik sulisoqarnissaq pineqarpat aningaasat tamatumunnga atorineqartussat annikinneerarsuussapput. Taamaattumillu peqqinnissakkut ilinniagalinnik sulisussanik aammalu suliassanik allanik isumaginnittussanik aalajangersimasumik atorfininitsitsineq pineqarpat aningaasat missingerneqartut annikinneerarsuusinnaapput. Tamanna pissutigalugu sulisoqatigiinnut tamanut aningaasartuutit eqqarsaatigalugit ernisussiornermi upalungaarsimasunut aningaasartuutit immikkoortinniarneqarnerat piiminaappoq.

**2. Nunagisaq qimallugu ernisarnerup kingunerisartagaanik misissuisitsinissamut naalackersuisut pilersaaruteqarpat?**

**Akissut:**

Naamik, maannakkuunngitsoq.

Siullertut anguniarneqartoq tassaavoq erninermut atatillugu meeqqat ajutoortoqarneratigut ajoqusinginnissaasa qulakkeerneqarnissaa. Sumiiffinni suliamik ilisimasaqartunik pisariaqartinneqartunik sulisoqarnissaq piffissami meeqqap inunngomerani (erninerup nalaani), inunngoqqammersut meeqqallu toqusarnerisa appartinnissaannut pingaaruteqartoq maanna aamma ilisimareerparput.

**3. Ernisussaq ataataasorlugu ilaqutariittut ataasiutut isigalugit erniartortitsinerup aqqissuunneqarsinnaanera naalackersuisut sulinerminni siunnerfigaat?**

**A. Taamaangippat sooq sullisseriaaseq maanna atuuttoqpissusissamisoortutut isigineqarpa?**

**Akissut:**

Peqqissumik toqqissisimanartumillu ernisinnanissaq Naalackersuisut sulissutiginiarpaat. Tamanna anguneqassappat ernisoqarnerata nalaani peqqissaanermik suliaqartut ilinniagaqarluarsimanissaat pisariaqarpoq. Tamanna assortorneqarsinnaanngilaq. Tamatuma peqatigisaanik piffissami pisoqarfiusumi angerlarsimaffimmut ilaqutarisanullu qaninnissaq annertuumik toqqissisimatitsisarpaq. Sumiiffimmi erniffiup ilinniarsimasunit sullinneqarfiusumi ilaqutariit katersuunnissamut periarfissaat eqqarsaatigalugit pitsanngorsaaffiusinnaasut ingerlaavartumik misissorneqarnissaat Naalackersuisut sulissutigaat.

Inussiarnersumik inuulluaqqusillunga

Med venlig hilsen



Martha Abelsen

Marlunngorneq 9. juli 2019

### **Sulisussarsiniarnermi aalaakkasunillu sulisoqarnissamut iliuusissatut siunniussat**

Eqqortoq piffissami sivisuumi ilisimaneqarpoq: Nunatsinni Nunanilu Avannarlerni allani peqqinnissakkut sullissisussanik annertuumik amigateqartoqarpoq.

Danmarkimi napparsimaveqarfinni 2019-imi peqqissaasutut atorfiit 1030-it inuttaqanngillat nakorsartitsivinnilu nakorsatut atorfiit 100-it inuttaqaratik- kingulleq qallunaat 300.000-it missassa nakorsassaqaqnginnerannik isumaqarpoq.

Kigutilerisoqarnikkuttaaq Danmarkimi unammilligassaqaqarpoq, 2019-imi kigutilerisut 355-it missaat amigaataapput<sup>1</sup>.

Tamanna tunngaviumik maanna siunissamilu pisariaqartitsineq tunngavigalugu naammattunik ilinniartitsisimanginnermik patsiseqarpoq, tamannalu aamma nunatsinni Peqqinnissaqaqfimmik eqquvoq.

### **Peqqinnissaqaqfik pillugu paasisutissat piviusut**

- Nakorsatut atorfinni 100-it missaanniittuni 30-it atorfeqavissuupput, peqqissasutullu atorfinni 300-it missaanniittuni 140-it missaat atorfeqavissuupput.
- Peqqinnissaqaqfik sulisutigut 2018-imi 1500-it missaannik (atorfeqavissunik, sivikitsumik atorfinittunik, immikkut ilisimasalittut angalatitanik taartaagallartartunillu atukkiussisarfimmii atorfinittunik ) atorfinitsiviulluni taarseraaffiusorujussuuvuq. Akunnermusiallit, suliniummut atorfinitsitat siunnersortillu avataanit akilikkat ilaangillat. Peqqinnissaqaqfik matuminnga allannerup nalaani 30-it missaannik atorfeqavissunik nakorsaqaqarpoq 140-illu missaannik atorfeqavissunik peqqissaasoqarluni.
- Peqqinnissakkut sullissisut 260-it sinneqartut taartaagallartartunik atukkiussisarfiit aqqutigalugit 2018-imi Peqqinnissaqaqfimmitt atorfinitsinneqarput.

### **Piginnaasat maanna siunissamilu – Aqutsisut akisussaaffii**

Peqqinnissaqaqfimmik tamanut kinguneqarluartumik –napparsimasunut sapinngisamik annerpaamik nalilimmik ingerlatsissagaanni – siunissami sulisussanik pissarsinnaassagaanni aalaakaasunillu sulisoqassagaanni – siunnerfilinnik iliuuseqarnikkut, periarfissaappallu nutaamik eqqarsarnikkut sulianik pisariillisaanissaq pingaaruteqarpoq. Tamanna pikkorinnerpaanik pimoorussinerpaanillu aalaakaasunik sulisussarsiniarnissap sulisoqarnissallu kinguneqarluartumik ingerlanissaannut peqataanissaq aqutsisutut annertuumik akisussaaffiuvoq.

#### **Anguniakkat**

- Peqqinnissakkut sullissisunik pikkorissunik pimoorussisunillu pissarsiniarnikkut aalaakkasunillu sulisoqarnikkut, kinguneqarluartussamik aningaasartuutissallu ilisimaaralugit, napparsimasunut qanigisaasunullu; misissuinermi, paaqqutarinninnermi/peqqissaanermi nakorsaanermilu pitsaassutsimik qularuteqaqnginnissamik neqeroorsinnaanissaq.
- Sivikitsumik sulisorisartakkanik siviuserusumik atorfinitsisalernissaq
- Ukiut pingasut sinnerlugit atorfeqavissut amerlisinnissaat.

Peqqinnissaqaqfiup sulisussarsiniarnikkut unammilligasaanik suliaqarneq siviisuumik ingerlatassaavoq, sulisussarsiniarnermilli iliuusissatut siunniussat 2020-ip 2021-illu ingerlaneranni ass. taartaagallartunik atukkiussisarfinneersunik atuinermut sunniuteqarnerata takusinnaalereernissaa neriuutigaarput

#### **Anguniagassatut siunniussani ukkassassat**

1. Nunatsinni najugaqarneq – toqqammavissatut atugassarititaasut peqqinnissaqaqfimmiiinnaangitsoq

<sup>1</sup> Najoqqutarisat: Kigutit nakorsaasa peqatigiiffiat, Dansk Sygeplejeråd, nakorsartitsivinni nakorsat kattuffiat/Praktiserende Lægers Organisation

- sunnerneqarsinnaasut
2. Sulisussanik pissarsiniarneq – oqaluttuanik nuannersunik ersersitsineq
  3. Taartaagalartussanik atukkiussisarfinit akisoqisunit sulisussarsiniarnani kinguneqarluartussamik aningasartuutissallu ilisimaaralugit sulisussarsiniarneq
  4. Inerisaaneq aalaakkaasunillu sulisoqarneq – sullivik sulisunut tamanut kajungernartoq
  5. Ilinniarfiit – meeqqat atuarfiiniit ilisimatusarfimmut
  6. Sulisussat avataaneersut –periarfissanik misissuineq qulaajaanerlu

### 1. Nunatsinni najugaqarneq

Nunani Avannarlerni pissutsit makku atorfeqartunut qinnuteqarumaartussanullu, aalaakkaasunik sulisoqarsinnaanitsinnut pissarsiniarsinnaanitsinnulluunniit pingaaruteqangaatsiarajupput. Pissutsinik qulaajaaniarluni inuiaqatigiit ineqarniarnerlu pillugit misissuueqqissaartoqarnissaa Peqqinnissaqarfimmiit innersuussutaavoq

- Ineqarniarneq unammilligassaavoq annertoq. Peqqinnissaqarfik – pingaartumik Nuummi inissanik amigaateqarpoq, inissallu pitsaanngitsut pissutaallutik peqqinnissakkut sullissisunik aalaakkaasunik sulisoqarniarneq ajornakusoorajuppoq, sulisussarsiniarnermissaaq aalaakkaasunillu sulisoqarnissami aalajangiisuulluinnarajulluni.
- Meeqqat paarineqarsinnaanissaat sulisussarsiniarnermi aalaakkaasunillu sulisoqarnissami pingaaruteqarpoq.
- Peqqinnissaqarfik nunanit allanit qaffasissunik akissarsiaqartitsisunit taartaagalartussanillu atukkiussisarfinit annertu-nerusunik akissarsiaqartitsisunit unammillerneqarpoq
- Ass. Danmarkimi sap. ak. nal. ak. 37-ini suliffiusartunit nunatsinni sap. ak. nal. ak. suliffiusartut qaffasinnerupput.

### 2. Sulisussarsiniarneq

Peqqinnissaqarfimik suliffittut kajungernartut , ilinniarfitalattut, amerlasuunik pikkoreqisunik pimoorussisunillu sulisulittut ilisimalersitsineq, Peqqinnissaqarfik sulisussarsisinnaassappat aalaakkaasunillu sulisoqassappat ukkassassaavoq pingaarutilik. Ukkassassaq pingaarutilik alla tassaavoq takussaaneq.

Makku suliarerusuppagut

- Peqqinnissaqarfik pillugu oqaluttuatsilannik ersersitsineq
- Suliffiit pissanganartut neqeroorutigisinnaasagut pillugit ilisimasanik siammarterineq
- Inuit akunnerminni attaveqatigiittarfiinik– pingaartumik Facebookimik LinkedInimillu atuiuarneq
- Ataatsimoorluni saqqummiinerni peqataanikkut soraarfiullu nalaani ataatsimiisitsinertigut Danmarkimi peqqinnissakkut sullissisunut saaffiginnineq
- Peqqinnissaqarfiup nittartagaanik [gjob.dk](http://gjob.dk)-imik pitsanngorsaaneq saqqummiusseqqinnerlu
- Nunatsinni Danmarkimilu ilinniartunik siusissukkat attaveqalerneq

Anguniakkat

- Inuit akunnerminni attaveqatigiittarfiisigut peqqinnissakkut sullissisunik pissarsiniarneq
- Ataatsimoorluni saqqumiinerni peqataanikkut soraarfiullu nalaani ataatsimiisitsinikkut peqqinnissakkut sullissisunik pissarsiniarneq
- Qinnuteqarsinnaasunut qaninnerusumik attaveqalerneq tamatumingalu attassiinnarneq
- Peqqinnissaqarfiup suliffittut kajungernartuuneranik nittartagaq [gjob.dk](http://gjob.dk) inuillu akunnerminni attaveqatigiittarfii aqqutigalugit takutitsineq

### 3. Kinguneqarluartussamik aningaasartuutissallu ilisimaaralugit sulisussarsiniarneq



Sulisussarsiniarneq aalaakkaasunillu sulisoqarnissaq periutsit nutaat atorlugit, tamatumunngalu atatillugu akinik pitsaanusunik isumaqatigiissuteqarnissaq siunertaralugu, pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat

Naapertorlugi, taartaagallartussanik atukkiussisarfinnut suliarinnittussarsiuussineq ilanngullugu eqqarsaatigineqassaaq. Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat pisortaqarfinnut inatsisinullu pisortat innuttaasullu akornanni atuuttuni tamani atuuppoq. Inatsimmi pisortat pisiniarnerannut arlalinnut periusissat aalajangersarneqarput. Periusissatut maleruagassiat ilaatigut pilersuisunik toqqaanermut, neqeroorutininik naliliinermut isumaqatigiissummillu avitseqatigiinnermut tunngassuteqarput.

Maanna sulisussarsiniarnermi qarasaasiakkut sullississutinik nutarterinikkut nukissanillu annertunerusunik nuussinikkut, sulisoqarnermut immikkoortortaqarfik nammineq paasissutissanik katersivimmi qinaasisinnaanermut periarfissinneqassaaq. Nukissaq- peqqinnissakkut sullissisunik LinkedIni namminerlu paasissutissiivik aqutugalugit sulisussarsinnaajumalluni peqqinnissakkut sullissisunut attaveqarneq- matumani pineqarpoq.

Makku suliarerusuppagut

- Peqqissaasunik taartaagallartartussanik neqeroorutininik 1. april 2020 aallarnerfigalugu isumaqatigiissusiornissamut 2019-imi suliarinnittussarsiuussineq
- Paasissutissiivitsinnik 12.000-it sinneqartunik sulisussarsiarisinnaasalmik atuineq

Anguniakkat

- Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat iluaqutugalugu taartaagallartartunik atukkiussisarfinnut aningaasartuutininik sipaaruteqarnissaq
- Peqqinnissakkut sullissisunik amerlanernik sulisussarsiniarnissaq
- Aqutsisut ilinniagaqassuseq tunngavigalugu peqqinnissamut aqutsinermullu atatillugu suliassanut piffissaannik annertusaaneq.

#### **4. Inerisaaneq aalaakkaasunillu sulisoqarneq**

Sulilerlaat nunatsinnut pigunik ingerlaanaq utaqqisaasutut tikilluaqqusaasutullu misiginissaat, sulisullu assigiinngitsut tamarmik atorfeqavissuugunik, nikittaallutik suliarortartuugunik imal. sivikitsumik atorfeqarunik, ilinniagaqassutsikkut inuttullu assigiinngitsutigit ineriartortutut misiginissaat pingaaruteqarpoq. Peqqinnissaqarfimmi sulineq pisuunnguutaassaaq taamaassallunilu. Atorfinitiseriaatsit ilinniagallillu assigiinngitsut pisariaqartitaasa eqqarsaatiginissaat, Peqqinnissaqarfiup ineriartortuarnissaa, sulisullu piumassuseqarnissaat ingerlalluurtutullu misiginissaat aqutsisutut suliassaavoq.

Makku suliarerusuppagut

- Peqqinnissakkut sullissisunut; atorfeqavissuuppata, nikittaallutik suliarortartuuppata imal. sivikitsumik atorfeqarpat ineriartornissamut aalaakkaasumillu sulinissamut iliuuseqarfigineqarnissamik neqeroorneq
- Sulilerlaanik piukkunnarsaanermut sakkussanik nutaanik suliaqarneq

Anguniakkat

- Naak sulisut katitigaaneri atorfinitiseriaatsillu ilaatigut pissutsit immikkorluinnaq ittut pissutigalugit piffissap ingerlanerani allanngortinneqassagaluit, napparsimasunut peqqinnissakkut sullinneqarnermik pitsaasumik neqeroornissap qulakkeernissaa.
- Atorfininnermi atugassanik pitsaasunik ineriartorfiusunillu pilersitsinissaq

## 5. Ilinniarfiit

Ilinniartunut ilinniarnerminnillu naammassinnerlaanut attaveqarnek sulisussarsiniarnermut aalaakkaasunillu sulisoqarniarnermut atatillugu iliuusissatut siunniussani annertunerujussuarmik eqqarsaataasariaqarpoq. inuiaqatigiinni nunatta inuusutai piginnaanillit; sulinermik sungiusartut, qaffasissumik ilinniagallit assigisaallu inerisarnissaannut tunngatillugu Peqqinnissaqarfik annertusisamik akisussaaqataavoq. Tamatuma peqatigisaanik Peqqinnissaqarfiup suliffittut kajungernartutut nittarsaannissaa periarfissaavoq

Nammineq nunagisami ilinniarsinnaaneq iluaqutaavoq. Avatangiisini takornartani sungiusimanngissanilu ilaqtanik ikinngutinillu ungasissumi piumasaqaatitalimmik ilinniagaqarnek ajornarneruvoq. Danmarkimi ilinniartut nunatsinneersut amerlassusaasa Odense, Aarhus, Aalborgimi Københavnimilu ilinniarfintut agguataarneqarnerat ataani kisitsit takutippaat.

		2014	2015	2016	2017	2018
Peqqissaasut	Grønland	24	17	17	17	15
	Danmark	5	4	10	5	6
	København	3	1	1	1	1
Nakorsat, bachelor	Odense	1	0	0	0	2
	Aarhus	1	4	3	2	2
	Aalborg	2	0	1	1	0
Nakorsat, kandidat	København	1	1	0	3	0
	Odense	0	0	0	0	0
	Aarhus	1	2	1	3	3
	Aalborg	0	0	0	0	1

Nakorsanngorniat nunatsinneersut affaasa missaannaasa ilinniakkaminnik naamassinnittarnerat Kalaallit Illuini misilittakkat takutippaat. Taakku affaat nunatsinnut utertanngillat. Ilisimatusarfimmi/ Peqqissaanermut Peqqissutsimullu Ilisimatusarfimmi 2019-imi juuni qaammat aqqanillit peqqissaasutut ilinniarnerminnik naamassinnippat.

Makku suliarerusuppagut

- Peqqinnissaqarfiup nunatsinni Danmarkimilu ilinniarfinni takussaanerulersinnissaa
- Sulinermik sungiusarfissat pisariaqartitsinermit nalimmassartuarnissaat
- Peqqinnissaqarfimmi atorfiit ilinniarfissat nittarsaannissaat

Anguniakkat

- Annertuumik soqutiginnilersitsineq atuartullu/ilinniarnertuunngorniallu sunngornissamat kissaataannik, takorluugaannik kajumissusaannillu sunniinissaq
- Ilinniakkap suliffeqarnerullu akornanni atassusiinissaq
- Peqqinnissaq pillugu ilinniagalinnik amerlanernik pissarsiniarnissaq

## 6. Avataaniit sulisorisartakkat



Danmarkimi napparsimmaveqarfinni ukiuni kingulliunerusuni amerlasuuni EU-mut ilaasortaasunit allanit peqqinnissakut sullissisussanik atorfinitsisarnerup qanoq imaannaanngitsiginera annertuumik maluginiarneqalerpoq. Danmarkimi napparsimmaveqarfinni misilittakkat aqputigalugit nunanit allaneersunik peqqinnissamut tunngatillugu ilinniagalinnik sulisussarsiniartarnermut tunngatillugu misilittakkat taakku aallaavigalugit misissueqqissaarnej aallartinneqassaaq. Unammilligassat annersaat tassaavoq oqaatsitigut ilinniakkallu qaffasissusaagut tassalu piginnaasaqarluarnikkut akimmiffeqarnej.

#### Makku suliarerusuppagut

- Peqqinnissaqarfimmi sulisussanik nunanit allaneersunik pissarsiniarnissamut qulaajaanissamullu atugassanik aningaasanik illikartitsisoqarnissaa

#### Anguniagaq

- Peqqinnissaqarfimmut piginnaanilinnik sulisussarsinissaq

